



Broj: 17-06-4-16-2-9-<sup>4</sup>19  
Datum, 15.10.2019. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09 ) i člana 70. Zakona o javnim nabavkama Bosne i Hercegovine («Službeni glasnik BiH» broj: 39/14), direktor Granične policije Bosne i Hercegovine, d o n o s i

## ODLUKU

### I

**Prihvata se** preporuka Komisije za javnu nabavku, da se nakon sprovedenog otvorenog postupka za nabavku cipela, postupak poništi iz razloga jer nije stigla niti jedna prihvatljiva ponuda.

### II

Odluka stupa na snagu danom donošenja.

## O b r a z l o ž e n j e

Granična policija BiH Odlukom broj: 17-06-4-16-2-9/19 od 11.04.2019. godine pokrenula je postupak javne nabavke putem otvorenog postupka za nabavku cipela. Na javnom otvaranju ponuda održanom 11.07.2019. godine konstatovano je da su u roku, blagovremeno pristigle sledeće ponude:

1. KM TRADE VISOKO,
2. PLAN PLUS ZENICA
3. ANTILOP ŽEPČE
4. SHOT ZENICA

Neblagovremenih ponuda nije bilo.

Nakon žalbe jednog od ponuđača i Rješenja KRŽ-a, Komisija je konstatovala sledeće:

1. Ponuda ponuđača KM TRADE Visoko je neprihvatljiva iz razloga jer laboratorijski i vizuelni nalaz nije urađen po uputama iz tenderske dokumentacije, te je Kancelarija za razmatranje žalbi ocjenila da isti nije validan.
2. Ponuda ponuđača PLAN PLUS Zenica je neprihvatljiva iz razloga što ponuđač nije postupio u skladu sa tenderskom dokumentacijom odnosno odgovorom na postavljeno pitanje od 17.05.2019. godine a koji je glasio: **Ponuđač na analizu dostavlja jedan par cipela. Jedna cipela se u laboratoriji reže, presjeca ili siječe kako bi se utvrdilo da li ispunjava zahteje postavljene u tenderskoj dokumentaciji. Isječeni uzorak zajedno sa drugom cipelom para koji ostaje čitav se dostavlja ugovornom**

organu uz ponudu, gdje uzorak mora imati Atest da ispunjava uslove iz tenderske dokumentacije. Dakle nije potrebno dostavljati materijale. Naime, ponuđač je dostavio par cipela gdje nedostaje presječeni uzorak cipele, te se njegova ponuda smatra neprihvatljivom.

3. Ponuda Ponuđača Antilop Žepče je neprihvatljiva iz razloga što ponuđač nije postupio u skladu sa tačkom 31. Tenderske dokumentacije – Garancija za ozbiljnost ponude gdje stoji:... Garancija za ozbiljnost ponude dostavlja se u obliku bezuslovne bankovne garancije. Garancija za ozbiljnost ponude dostavlja se u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude. Garancija ne smije biti ni na koji način oštećena (bušenjem i sl) jer probušena ili oštećena garancija ne može se naplatiti. **Ukoliko garancija za ozbiljnost ponude nije dostavljena na propisan način ugovorni organ će obavezno takvu ponudu odbaciti.** Naime, ponuđač Antilop nije dostavio original bankarsku garanciju za ozbiljnost ponude nego kopiju koja je ubačena u ponudu, odnosno nije uvezana u cjelinu kako je propisano Tenderskom dokumentacijom, a sve u skladu sa ZJN i Pravilnikom o načinu dostavljanja bankarske garancije za ozbiljnost ponude
4. Ponuda ponuđača SHOT Zenica je neprihvatljiva iz sledećih razloga:
  - ponuđač nije postupio u skladu sa tenderskom dokumentacijom odnosno odgovorom na postavljeno pitanje od 17.05.2019. godine a koji je glasilo: **Ponuđač na analizu dostavlja jedan par cipela. Jedna cipela se u laboratoriji reže, presjeca ili siječe kako bi se utvrdilo da li ispunjava zahteje postavljene u tenderskoj dokumentaciji. Isječeni uzorak zajedno sa drugom cipelom para koji ostaje čitav se dostavlja ugovornom organu uz ponudu, gdje uzorak mora imati Atest da ispunjava uslove iz tenderske dokumentacije. Dakle nije potrebno dostavljati materijale.** Naime, ponuđač je dostavio par cipela gdje nedostaje presječeni uzorak cipele, te se njegova ponuda smatra neprihvatljivom.
    - Ponuđač Shot Zenica nije dostavio labaratorijsku analizu cipele, i u nalazu koji je dostavljen nigdje ne stoji konačni zaključak labaratorijske kuće da li uzorak odgovara uslovima tenderske dokumentacije.

Komisija daje preporuku da se postupak za nabavku Cipela za potrebe Granične policije BiH poništi.

Članovi Komisije nisu imali izdvojenih mišljenja.

Shodno naprijed navedenom prihvaćena je preporuka Komisije za javnu nabavku, te je odlučeno kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi u roku od 10 ( deset ) dana od dana dostavljanja iste. Žalba se predaje putem Granične policije Bosne i Hercegovine.

**DOSTAVITI:**

- Ponuđaču (fax)
- Odsjek za poslove nabavke i logistike
- A/a

